

ժողովրդական Տան թատրոնում

Համազգային մեծ յօրելեանը դրդեց նաև Զուբալովեան ժողովրդական Տան հայկական դրամատիկ խմբակցութեանը՝ կազմակերպել հոկտ 13-ին հանդիսաւոր տօնական ներկայացում:

Ըստ աւուր պատշաճի Գ. Զուբարի «Սանդուխտ» 4 արարուածով պատմական դրաման անպայման աջող ու համապատասխան ընտրութիւն էր:

Ներկայացումից առաջ Բենիկ վարդապետը խմբակցութեան հրաւերով թատրոնը ծայրէ ի ծայր լցրած հանդիսականներ ի առաջ արեց բանախօսութիւն տառերի և տպագրութեան կուլտուրական նշանակութեան մասին:

Իր բանախօսութիւնը հայր-սուրբը սկսեց անսահման ուրախութիւն յայտնելով, որ առիթ է լինում ժողովրդական մեծ տօնը շնորհաւորել հայ աշխատաւոր դասին ժողովրդական Տանը: Ապա հայր-սուրբը կէս ժամ, ընդհանուր լարված ուշադրութեան մէջ, կրկնեց նոյն օրը Վանքի եկեղեցու հանդիսաւոր պատարագի ժամանակ խօսածը (կը տպվի «Մշակի» առաջիկայ համարում):

Բենիկ հայր-սուրբի բանախօսութիւնը առաջ բերեց խանդավառութիւն:

Այնուհետև սկսվեց ներկայացումը: Պարտք ենք համարում ընդգծել այդ օրվայ աջողութիւնը, որ բաժին ընկաւ դերակատարներին: Նրևում էր, որ նրանք բարեխղճօրէն պայմանաւորվել էին իրանց սահուն և հարթ խաղով գեղեցիկ պիէսը ամբողջացնել, որի բովանդակութիւնը այնքան մօտ է ժողովրդական Տան յաճախորդներին...

Մանաւանդ առանձին ուշադրութիւն գրաւեցին Յարութիւնեան (Սանատրուկ), Մրամեան (Նրուանդ), որոնցից՝ իբրև սիրողներից՝ աւելին չէր պահանջվում:

Սանդուխտի դերում հանդէս եկաւ դերասանուհի տիկին Ադամեան սովորական աջողութեամբ: Ստիպված ենք արձանագրելու կրկին տիկնոջ արտասանած բառերի վեր-

Ղին վանկերի լալկան տոնը, որից Չանալու է նա խուսափել:

Կաւ էին նոյնպէս Քաշճեան, ա. Վ. Աբովեան՝ Ոգուհի, Յովհաննիսեան՝ Վահէի, Յարութիւնեան II՝ քրմապետի և Աբովեան-Օրցիանովա՝ քրիստոնեայ կնոջ դերում:

Քոյլ էր միայն Հախնազարեան (Շաւարշ), որ թողնում է սկանակ սիրողի տպաւորութիւն:

«Սանգուխտի» ներկայացումը ցոյց տուեց, որ ժողովրդական Տան մէջ ևս կարելի է գտնել համապատասխան աջող դեկորացիաներ, և միմիայն անհրաժեշտ է բեժիսեօրական նուրբ ընտրութիւն: Վերջին իմաստով մասնանշելու ենք ժողովրդական Տան հայկական ներկայացումները դեկավարողի կիրթ ճաշակը:

Վատ չէր երգեցիկ խումբը Միրզայեանի դեկավարութեամբ:

Ընդհանուր հաճելի տպաւորութեամբ անհամար բազմութիւնը ցրվեց գիշերվայ ժ.